



**Dogfen Reoleiddio  
POLISIÂU A GWEITHDREFNAU**

# **Meini prawf cymeradwyo ac amodau cymeradwyo**

Chwefror 2018

## **Rheoli Fersiynau**

Cymeradwywyd y fersiwn (2) hon o Feini prawf cymhwyso ac amodau cymeradwyo ar 17 Ionawr 2015 gan Fwrdd Rheoli Cymwysterau Cymru.

Caiff y ddogfen hon ei hadolygu'n ffurfiol o leiaf unwaith bob dwy flynedd, a bydd y broses yn cynnwys adolygu effeithiolrwydd y polisi, a pha mor gyfredol ydyw. Disgwylir iddi gael ei hadolygu nesaf erbyn Ionawr 2021 fan bellaf. Croesewir adborth gan y cyhoedd ar y polisi hwn yn y cyfamser. Dylech anfon eich sylwadau i [policy@cymwysteraucymru.org](mailto:policy@cymwysteraucymru.org)

## **Egwyddorion Cyffredinol**

Mae'r polisi hwn yn amlinellu'r meini prawf y mae'n rhaid i gymhwyster eu bodloni cyn y gellir ei gymeradwyo, y meini prawf y mae'n rhaid i gymhwyster eu bodloni cyn y gellir ei ddynodi, yr amodau cymeradwyo sy'n gysylltiedig â chymhwyster cymeradwy a'r darpariaethau pellach sy'n gysylltiedig â chymhwyster dynodedig.

Mae'r ddogfen hon wedi'i hanelu'n bennaf at gyrff dyfarnu a gydnabyddir gan Cymwysterau Cymru. Nod y gofynion hyn yw:

- Sicrhau mai dim ond cymwysterau o ansawdd uchel a gymeradwyir
- Sicrhau mai dim ond cymwysterau addas a ddynodir fel cymwysterau sy'n gymwys i'w defnyddio ar gyfer cyrsiau sy'n arwain at gymwysterau

Dylid darllen y ddogfen hon ar y cyd â'r canlynol:

- Y rhestr cymwysterau blaenoriaethol
- Rheolau am geisiadau i gymeradwyo a dynodi
- Polisi ar gymeradwyo cymwysterau nad ydynt yn flaenoriaethol
- Yr Amodau Cydnabod Safonol

## **CYNNWYS**

### **MEINI PRAWF CYMERADWYO AMODAU CYMERADWYO**

## MEINI PRAWF CYMERADWYO

1. Mae Deddf Cymwysterau Cymru 2015 yn ei gwneud yn ofynnol i ni bennu a chyhoeddi meini prawf i'w cymhwyso gennym wrth benderfynu p'un a ddylid cymeradwyo math o gymhwyster. Dim ond os bydd cymhwyster ar y Rhestr Cymwysterau Blaenoriaethol neu os yw'n bodloni ein Polisi ar gymeradwyo cymwysterau nad ydynt yn flaenoriaethol y byddem yn ystyried cymeradwyo cymhwyster.
2. Mae'r meini prawf ar gyfer cymeradwyo cymwysterau TGAU, UG a safon Uwch diwygiedig gan Cymwysterau Cymru fel a ganlyn:
  - a. rhaid bod tystiolaeth y bydd y cymhwyster yn cydymffurfio â'r Amodau Cydnabod Safonol ac unrhyw feini prawf cymeradwyo eraill sy'n berthnasol.
  - b. rhaid i'r cymhwyster fodloni'r gofynion a nodir o fewn unrhyw ddogfen disgwyliadau ar gyfer y cymhwyster neu ddisgwyliadau pwnc-benodol a gyhoeddwyd gan Cymwysterau Cymru (neu a drosglwyddwyd iddo adeg cychwyn y Ddeddf).
  - c. rhaid bod y cymhwyster wedi'i ddatblygu gan ddefnyddio proses y cytunwyd arni'n flaenorol gyda Llywodraeth Cymru (cyn 21 Medi 2015) neu Cymwysterau Cymru.
  - d. rhaid bod y cymhwyster yn gydnaws ag unrhyw ddogfennau polisi perthnasol gan Lywodraeth Cymru cyn 21 Medi 2015 megis canllawiau cymwysterau ac argymhellion yr Adolygiad o Gymwysterau ar gyfer disgyblion 14-19 oed.
  - e. rhaid bod tystiolaeth ddarbwyllol bod cymhwyster wedi'i ddatblygu gyda chyfraniad priodol gan randdeiliaid.
  - f. rhaid bod y corff dyfarnu wedi gweithredu'n unol ag adborth a roddwyd gan Lywodraeth Cymru (cyn 21 Medi 2015) a Cymwysterau Cymru yn ystod camau datblygu a chymeradwyo'r cymhwyster, gan ddilyn unrhyw gyfarwyddiadau cysylltiedig, lle y'u darparwyd.
  - g. lle nad yw Llywodraeth Cymru na Cymwysterau Cymru wedi llunio dogfen disgwyliadau pwnc-benodol a lle bo corff dyfarnu wedi cael adborth gan reoleiddwyr eraill ar gyfer cymwysterau cyfatebol yn Lloegr, rhaid i gorff dyfarnu ddangos sut y mae wedi ystyried yr adborth hwnnw a nodi i ba raddau y gall fod yn berthnasol yng Nghymru.
  - h. ar gyfer cymwysterau UG a safon Uwch, ac eithrio mewn perthynas â chynnwys safbwynt Cymreig, rhaid i'r corff dyfarnu ddarparu rhesymeg dros unrhyw achos sylweddol o wyro o'r cynnwys a geir o fewn cymwysterau UG a safon Uwch yn Lloegr.

- i. rhaid bod y pwnc yn bwnc sefydledig, neu rhaid i'r corff dyfarnu ddangos bod y pwnc newydd yn ymdrin â pholisi Llywodraeth Cymru o ran y cwricwlwm, neu rhaid bod y cymhwyster yn rhan o'r rhestr cymwysterau y mae Cymwysterau Cymru yn eu cynnwys yn ei bolisi ar gymeradwyo cymwysterau nas rhestrir ar y rhestr cymwysterau blaenoriaethol.

## **AMODAU CYMERADWYO**

- 3. Mae Deddf Cymwysterau Cymru 2015 yn caniatáu i ni osod amodau cymeradwyo ar gymhwyster cymeradwy. Mae'r canlynol yn amod cymeradwyo a osodir gennym ar bob cymhwyster cymeradwy:
  - a. Ni all corff dyfarnu newid y fanyleb ar gyfer cymhwyster o'r fanyleb a gymeradwywyd (neu a achredwyd yn wreiddiol gan Lywodraeth Cymru cyn 21 Medi 2015) heb gytundeb ymlaen llaw gan Cymwysterau Cymru o ran natur y newid, yr amserlen ar gyfer rhoi'r newid ar waith ac unrhyw gamau gweithredu gofynnol i helpu i roi'r newid ar waith.